

KANTON SARAJEVO
SKUPŠTINA KANTONA SARAJEVO

Samostalna zastupnica – Arijana Memić

Agencija za zaštitu ličnih/osobnih podataka BiH

PREDMET: ZASTUPNIČKO PITANJE

Poštovani, molim Vas za informaciju o tome da li se rukovodilac policijskog organa (Policijski komesar Uprave policije MUP-a KS) odnosno organ uprave Ministarstvo unutrašnjih poslova KS, može pozvati na Zakon o zaštiti ličnih podataka, i ako DA, u kojim uslovima, na neodgovaranje na pojedinačna pitanja koja sam postavila prvo u pisanoj formi 26.2.2024.g (Odgovor nikada nisam dobila) a zatim sam i na sjednici Skupštine KS, održane 29.3.2024.g. uputila ista pitanja, na koja nisam dobila odgovor, jer se policijski komesar Uprave policije MUP-a KS pozvao na Zakon o zaštiti ličnih podataka.

Napominjem da mi je za druge policijske službenike, a za koje sam tražila iste informacije, na sjednici SKS, odgovoreno detaljno, pa se postavlja pitanje promjene prakse.

Molim, da me se kao zastupnicu u Skupštini KS i predstavnicu građana u Zakonodavnom tijelu, ne dovede u situaciju da ne mogu dobiti tražene podatke koji su od javnog interesa u smislu člana 5. Zakona o slobodi pristupa informacijama.

Prema Zakonu o zaštiti tajnih podataka BiH, kao zastupnica kantonalnog zakonodavnog tijela, **imam pravo na podatke koji se odnose čak na javnu sigurnost, odbranu, vanjske poslove, i to bez prethodne saglasnosti, provjere i dozvole**, stoga me iznenađuje da ne mogu imati pristup navedenim podacima, te molim, da mi se ove informacije ne uskraćuju.

Pitanja koja sam uputila su:

Da li smatrate da pomenuti izvještaj Ad Hoc tijela, da tri presude u postupku koji je tužilstvo KS vodilo po izmišljenoj optužnici, te presuda Suda BiH protiv Hasana Dupovca i istrage koje se u kontekstu ovog slučaja aktivno vode, a kojima su obuhvaćeni i drugi policijski službenici, nisu već i više nego dovoljni razlozi i odličan povod za adekvatnu reakciju, detaljnu istragu i analizu rada policijskih službenika u ovom predmetu?

Da li ste ikada izvršili analizu postupaka policijskih službenika koji su bili uključeni u predmet, analizu o tome kolike su to greške koje su nanijele štetu ugledu MUP-a KS?

Pomenute presude su jasno ukazale na slabosti policijskog sistema kada je u pitanju istraga u ovom predmetu.

Ovom prilikom vam dostavljam i spisak imena policijskih službenika koji su bili uključeni u predmet, te tražim da mi dostavite sve informacije o tome da li su imenovani policijski

službenici nagrađivani, raspoređeni na druga radna mjesta, unaprijeđeni, te da li su uključeni u komisije, **od 2016.g pa do danas?**

- Džafer Hrvat
- Nuriya Mehić
- Hasan Dupovac
- Admir Šalaka
- Emir Mehmedagić
- Edin Grabovica
- Sanela Hasanegović
- Mevludin Halilović
- Suljo Klino
- Amer Selak
- Haris Imamović
- Vahid Bakija
- Vahidin Džano
- Edin Vatrić

Takoder, dostaviti tražene informacije do trenutka odlaska u mirovinu za:

- Nermin Halilović
- Vahid Čosić
- Mustafa Bešić
- Mirsad Đelilović
- Sakib Kremo

Sarajevo, 10.06.2024.g

Zastupnica u Skupštini KS

Arijana Memić

